



Тугълчнрин сән үзмдж

Зүн үзгәс салькн сер-сер гидж кӧдлджәнә. Намрин буднд малин фермин, скирд ӧвсдин, тосхлтсин барань әрә барлздж үзгднә. Ар үзгәс ӧмн үзгүр наладж делггдсн газрин агъуд хӧӧнә хошмуд, үкрмүл йовна. Газр энъгдән, кӧк кевсәр хучатә мет, кӧк ӧвсәрн сәәхрдж манурна. Изунова— экч-дү хойр күүкн, Маша Наташа хойр хәрүлдж йовх тугълмудтагъан буднд үзгдхш. Хая-хая: „гей-гей“ гисн ә сонъсгдчкад, дакад уурч одна.

Эн экч дү хойр хальмгкүүкл, Яшалтинск района Буденнә нертә колхозд тугълчнр болдж орад дӧрвн сар болв. Тугълчнр дару-дарунь сольгдджасна учрар, тугълмуд йир этцн билә. Августсарин халун ганъгд ӧвсн шарлад ӧгрдж одсн цагт, тугълмуд хәрүлдж сәәрүллгън ик гидг нәрн тӧр билә.

Болв Маша Наташа хойр,

хәләхәр авсн 170 тугълнъ дегд этцн гидж гарнь салдадж унсн уга. Эдн колхозин правленд тӧр тәвәд, му тугълмудтан ӧдр болгън 3 килограмм ӧвс, 300 грамм гуйр-буудә ӧгчәх зӧвшәл авад асрцхав. Тиигдж асрна ашд, газрин идг бәәсн болв чигн, тугълмуд тмдгтә кевәр сәәрцхәв. Ода эдн танъгдхш, гуйнъ дүүрнъ махтә, таргън-цатхлнъ.

Тугълмуд хондг хашан бәәрнъ ӧдр болгън цеврлгднә, тегәд данъгин хагсу, дулан болна. Тугълмуд гару уга, сән бәәнә. Цуг эн хамг Наташа Маша хойрин шунлтта сән кӧдлмшин аш болдг.

Ни-ниицнъгъү ӧрк-бүл сар болгън 140-170 күч-кӧлснә ӧдр олна. Эн хойр тугълчнр цуг колхозникуд заагт кӧдлмшин сән үлгүр үзүлдж йовна.

И. М. БАЗЮК.
Яшалтинск района, Соленовск
сельсоветин ахлач.